

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

ইউএসএআইডি ১০০টি বহুমুখী ঘূর্ণিঝড় আশ্রয়কেন্দ্র নির্মাণে অর্থায়ন করছে

ঢাকা, ৩০শে অক্টোবর -- যুক্তরাষ্ট্র সরকার দেশটির প্রধান উন্নয়ন সংস্থা - যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) - এর মাধ্যমে বাংলাদেশের দুর্যোগপ্রবন এলাকায় প্রায় ১০০টি বিদ্যালয় ও ঘূর্ণিঝড় আশ্রয় কেন্দ্র নির্মাণের জন্য চার বছর মেয়াদী ৪.৫ কোটি ডলার প্রকল্পে অর্থায়ন করছে। এই আশ্রয়কেন্দ্রগুলোতে জরুরী মুহূর্তে এক লাখ ৮০ হাজার অধিবাসী আশ্রয় নিতে পারবে এবং স্বাভাবিক সময় আশ্রয় কেন্দ্র হিসেবে ব্যবহৃত না হলে অনুমানিক ১৮ হাজার শিক্ষার্থীর জন্য বিদ্যালয় হিসেবে ব্যবহৃত হবে। এই আশ্রয় কেন্দ্রগুলোতে প্রাথমিক চিকিৎসা সুবিধাদিসহ গর্ভবতী মহিলাদের জন্য পৃথক কক্ষ, পুরুষ ও মহিলাদের জন্য পৃথক শৌচাগার এবং বৃষ্টির পানি ধরে রাখার ব্যবস্থাসহ পানি সরবরাহের সুবিধাদি রয়েছে। ইউএস আর্মি কর্পস অব ইঞ্জিনিয়ার্স (ইউএসএসই) এই প্রকল্প বাস্তবায়ন করবে যা ইতিমধ্যেই এগিয়ে চলেছে।

বাংলাদেশে দুর্যোগ পূর্বপ্রস্তুতি এবং ক্ষয়ক্ষতির পরিমাণ কমিয়ে আনার কর্মসূচীতে বিনিয়োগের ব্যাপারে ইউএসএআইডি'র দীর্ঘমেয়াদী অঙ্গীকার রয়েছে। ইউএসএআইডি'র কর্মসূচীর মধ্যে রয়েছে ৫০০টি বহুমুখী বন্যা এবং ঘূর্ণিঝড় আশ্রয় কেন্দ্রের নির্মাণ ও সংরক্ষণ এবং বন্যার ক্ষয়ক্ষতি কমিয়ে আনতে টেউ প্রতিরোধক দেয়াল ও মাটির বাঁধ নির্মাণ। এছাড়াও, ইউএসএআইডি ক্ষয়ক্ষতি কমাতে রাস্তা ও বাঁধের মত প্রায় ৪ হাজার ভৌত অবকাঠামো নির্মাণ করেছে, জরুরী মুহূর্তে সাড়াদানের জন্য স্থানীয় দুর্যোগ ব্যবস্থাপনা কমিটিকে প্রশিক্ষণ দিয়েছে এবং উপকূলীয় এলাকার জন্য ঘূর্ণিঝড় পূর্বপ্রস্তুতি প্রশিক্ষণের ব্যবস্থা করেছে।

বিগত দশক ধরে ইউএসএআইডি'র কর্মসূচী সম্প্রদায় ও স্থানীয় কর্তৃপক্ষের মধ্যে সমন্বয়ের প্রসারে কাজ করছে এবং স্থানান্তরযোগ্য পানি বিশুদ্ধকরণ প্লান্ট ও স্বাস্থ্য ইউনিটগুলো পরিচালনায় সহায়তা করেছে। ইউএসএআইডি বন্যাকবলিত এলাকায় ক্ষয়ক্ষতি কমিয়ে আনতে সম্প্রদায়কে বন্যা পরিস্থিতি পর্যবেক্ষণ এবং পূর্বাভাস-এ সহায়তা দিয়েছে।

১৯৭১ সাল থেকে এ পর্যন্ত যুক্তরাষ্ট্র সরকার 'ইউএসএআইডি'র মাধ্যমে বাংলাদেশকে ৫শ' ৮০ কোটি ডলারেরও বেশি উন্নয়ন সহায়তা প্রদান করেছে। তাৎক্ষনিক খাদ্য সহায়তা ছাড়াও 'ইউএসএআইডি' কৃষিতে উচ্চ শিক্ষা ও কৃষি গবেষণার সুযোগ সুবিধার উন্নয়ন উৎসাহিত করতে বাংলাদেশে উল্লেখযোগ্য অবদান রেখেছে।

১৯৬২ সালে প্রেসিডেন্ট জন এফ. কেনেডি কর্তৃক প্রতিষ্ঠিত এ সংস্থাটি ২০১২ সালে এর ৫০তম বার্ষিকী উদযাপন করবে। বিশ্বব্যাপী 'ইউএসএআইডি'-র ১১০টি মিশন প্রতিটি দেশে বছরব্যাপী কর্মসূচীর মাধ্যমে এর ৫০তম বার্ষিকী উদযাপন করবে।

=====

জিআর/ ২০১১

দ্রষ্টব্য: এই সংবাদ বিজ্ঞপ্তির ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।